

v.

(...)

Testament de esclarmonde mercadiere

Au nom de dieu soit amen saichent tous presans
et advenir que **l()an mil v^e septante sept** et()le()**huictie(me)**
jo(u)r du moys d **apvril** regnant tres()crestien prince
henry par la gra(ce) de dieu roy de france et de pologne au
lieu et mazage des filholz et maison de la testatrix
bas nommee au diocese de mo(n)taulban et seneschaucee
de th(ou)l(ous)e en presances de moy not(aire) soubzsigne et des
tesmoings bas nomes a este en personne **esclarmonde**
mercadiere vefve de feu jacmes chaubard laboureur

dud(it) lieu des filholz laquelle gisan[t] dans son lict de la
salle haulte de sad(ite) maison detenue de malladie
corporelle toutesfois bien voyant ouyssant parlant
et [co]gnoissant estant en ses bon scens et()parfaicte
memoyre considerant qu()il n()y a rien plus certain
que la mort ne plus incertain que()l()heure d()icelle
a ceste cause a faict son testament numcupatif de
derniere volonte en la forme et maniere suyvens
en premier lieu lad(ite) esclarmonde mercadiere
testatrix a faict le signe de la croix disant in nomine
patris et filij et spiritus()sancti amen / c()est recomandee
a dieu tout puyssant a()la glorieuse vierge marye
et a tous les saintz et saintes de paradis et a esleu
sa sepulture au cymitiere saint jehan hors
les murs de villemur tumbeau de ses predecesseurs
et qu()il luy soyct faicte une caysse po(u)r
met(t)re son corps quant sera separee d()icelly
ordonnant que a sad(ite) sepulture soyent [con]voques
vingt p(rest)bres messe chantans et paye a ch(ac)un d()eux
solz six deniers t(ournoi)z compris l()obseque et que soyt
faicte offrande de pain vin et lumiere que
la novene luy soyt suyvie et au bout des
neufz jours faict ung revit auquel soyent
convoques vingt p(rest)bres qui seront tenuz de cellebrer
messe ch(ac)un et prier dieu po(u)r l()ame de la()testatrix
et de ses predecesseurs pour lesquelz elle est tenue
de prier dieu et que soyt paye a ch(ac)uns lesd(its) p(rest)bres
deux solz()t(ournoi)z et faict offrande de pain vin et()lumiere
item veult et ordonne lad(ite) testatrix que l()annal

vi

luy soyt suyvi d()une messe ch(ac)un jour avec offrande de
pain vin et()lumiere et paye au p(rest)bre chesque jo(u)r deux
solz t(ournoi)z et que au bout de l()an soyt faict ung revit [co]me

le()jo(u)r de sa novene tout ainsi que led(it) feu()jacmes
chaubard son mary avoyt ordonne en son der(nie)r testam(ent)
retenu par depinu not(aire) et de ce en a chargee son
heretiere bas nommee advenant le temps requis et
opportun item a dict et declaire lad(ite) esclarmonde
mercadiere testatrix que **au [co]mancement des derniers
troubles** et apres le decez dud(it) jacmes chaubard
son mary ainsin qu()elle se **voulust retirer
au lieu de beauvays po(u)r estre en assurance a()cause
des grandz troubles et ruynes** elle bailha en garde
a **pierre chaubard son gendre filz de anthoine
chaubard vieux** dud(it) lieu des filholz se fiant de
luy [co]me **mary de marye chaubarde filhe
de lad(ite) testatrix** lors vivante et despuys *es*
sera decedee la somme de quatre cens livres t(ournoi)z
et plus tant en trente escuz solz une piece
de six livres t(ournoi)z ung escu pistolet ung
grand nombre de testons de solz et()de caroluz
qu()il luy **promist rendre de jour en jour
advenant paix ce qu()il na jamais volu
f(aire)** voulant lad(ite) testatrix qu()il soyt tenu les
rendre a son heretiere bas nommee quant
il en sera requis item a donne et legue
lad(ite) testatrix a **anthonye chaubarde femme
de anthoine terrisse** des filholz pour les bons

et agreables services qu()elle luy a faictz et espere
en recepvoir et po(u)r avenir sur pye / ung *coustie*
basti en pesene hault et bas qui est assiz
aud(it) lieu des filholz et joignant la maison de lad(ite)
testatrix confrontant avec lad(ite) maison avec la
maison des h(eriti)ers de guill(aum)e chaubard dict guilhou
avec le chemyn public et ses autres [con]fron(tation)s entrees
yssues et autres a[par]tenances pour en f(air)e aux
plaisirs et()voluntes de lad(ite) anthonye chaubarde et
avec ce la faicte et institue son herictiere
particuliere et qu()elle ne puyse rien
plus demander en ses biens et()heredite a()son
herictiere bas nommee item a donne et legue
lad(ite) testatrix a **biatre terrisse filhe desd(its)
anthoine terrisse et anthonye chaubarde** maries
la somme de dix livres t(ournoi)z payable par son herictiere
bas nommee quant lad(ite) biatre sera colouee
en mariage et jo(u)r de ses nopces autrement
non et avec icelle somme de dix livres t(ournoi)z
l()a faicte et instituee son herictiere [par]ticuliere
et qu()elle ne puyse rien plus demander
en ses biens et heredite item a donne et
legue lad(ite) testatrix a **jacmes chaubard filz
de colombet** dud(it) lieu des filholz le debte qu()il
doibt a lad(ite) testatrix duquel y a instrument
retenu [par] m(aîtr)e jacques depinu en son vivant
not(aire) royal de()villemur estant led(it) debte

recogneu aud(it) feu jacmes chaubard son mary car les autres
 debtes qu()il luy doibt elle veult et entend que
 soyent payes a son herictiere bas nommee sauf
 celluy en dessus donne et avec icell(uy) l()a faict
 et institue son h(eriti)er particullier et qu()il ne puyse
 rien plus demander en sesd(its) biens et heredite
 item a donne et legue lad(ite) testatrix a
symon lavelle marchant de()villemur son
gendre une terre assize au lieu des filholz
 terroir nomme a mailhac [con]ten(ant) une cesterade
 ou envyron [con]frontant avec la()terre des h(eriti)ers de
 feu anthoine chaubard dict tony avec terre de
 be... dagasse avec le chemyn public allant de
 canet a()la molyne de coupjac avec la()terre
 et vigne dud(it) lavelle et avec ses autres
 [con]fron(tation)s plys a donne et legue lad(ite) testatrix
 aud(it) lavelle son gendre le claux et moytie
 de()la()grange qu()est dans icell(uy) ou y a jardin
 et puy assiz pres les codercz de laborde
 de lad(ite) testatrix [con]frontant avec les h(eriti)ers
 de feu anthoine chaubard avec l()autre moytie
 de()grange et()terre de **claire chaubarde filhe**
de lad(ite) testatrix avec le chemyn public
 avec le pred de guill(aum)e chaubard filz de bernard
 et ses autres [con]fron(tation)s po(u)r desd(ites) pises de
 terre et claux en faire aux volutes dud(it)
 lavelle tant a la vye que a la mort
 et ce pour les agreables services qu()elle

a receuz de luy et espere en recepvoir item
 a dict et declare lad(ite) testatrix qu()elle a preste
 a anthoine clisquet du lieu de verlhac et
 bordes del()trelh quatre sacz de bled duquel
 elle a despuys receu en ded(ucti)on la somme de
 troys livres t(ournoi)z il peult avoyr deux ans
 au lieu de bauvays qu()elle veult estre
 paye par led(it) clisquet a son herictiere bas
 nommee et en tous et ch(ac)uns ses autres
 biens meubles et immeubles noms droictz voix
 et actions lad(ite) esclarmonde mercadiere
 testatrix a faicte et instituee son herectiere
 gene(ralle) et universelle et l()a nommee de()sa
 propre bouche **claire chaubarde sa**
filhe legitime et dud(it) feu jacmes chaubard
son mary et femme dud(it) symon lavelle
de villemur / pour desd(its) biens et heredite
 faire aux plaisirs et volutes de lad(ite) claire
 chaubard sad(ite) filhe tant a la vye que a la
 mort et ce dessus a dict et declare
 dict et declare lad(ite) esclarmonde mercadiere
 testatrix qu()elle veult estre son derni)er et
 vallable testament numcupatif et()derniere

volunte cassans revoccans et annullans
tous autres testamens codicilz ou dona(ti)ons si point
en y avoyt de faictz ou faictes le temps passe
excepte le presant qu()elle veult que

viiij

demeure en son esficasse et()vertu et()veult que
vailhe et soyt valable par droict de testament
numcupatif et si ne valoyt ou pouvoit valloir
par droict de testament numcupatif elle veult
que vailhe et soyt valable [par] droict de
codicille et s ne pouvoit valloir par droict
de codicille veult que valhe et soyt valable
par donna(ti)on faicte a()cause de sa mort et
[par]()tout autre droict uz stille et coustume
du presant pays qu()il pourra mieulz et plus
valloir requerant et priant lad(ite) testatrix
les tesmoings bas escriptz [par] elle nommes
et cogneuz de()tout ce()dessus estre memoratifz
pour en porter bon et vray tesmoinage
quant et ou besoingz sera et a moy not(aire)
soubz signe en retenir instrument ce qu()ay
accorde et faict en presances de andre
vernhere menyer nycolas melynes
ma...ier ramond albeux marchant / jehan
pendaries dict jehan petit jehan pendaries
dict cavaleie jehan pendaries dict rodol
gerauld chaubard filz de feu jehan chaubard
du lieu de villemur et des filholz habitans
tesmoings a()ce appellees soubzsignes ceulx
qui scavent escripre et vernhere / ramond
albeux signes a la cede et de moy

jehan richard not(aire) royal dud(it) villemur habitant
qui requis ay retenu led(it) testament et
me suys icy dessoubz signe en foy de
tesmoinage de tout ce dessus

Richard, not(aire) r(oy)al